

Ningzmingz Yawjnaek Daegsaek Minzcuz Vwnzva Swnjcienz Hwngfat

宁明注重民族特色文化传承发展

Ningzmingz Yen laebdaeb 21 bi baumaenh ndaej “Daengx Guek Aen Yienh Senhcin Vwnzva” cwnghueh, aen yienh neix yawjnaek swnjcienz caeuq hwngfat minzcuz vwnzva. Seiz-neix, daengx yienh gaeng hwngfat daegsaek ndawbiengz doihvwnzyi 30 lai doih, gyoengq ndawbiengz yenjyenz neix ciengzseiz bae daengz gihcwngz vih vunzlai yienjheiq, bienqbaenz bingcawj-lig fungfouq lajmbanj vwnzva saedcej, daengx yienh vwnzva saedlig hix ndaej caenh’ itbough dem’ ak.

(Cough Yizganh/周贻刚)



▲ Gyoengq canghgimz cingq danzciengq gimzsien.



▲ Canghfwen cingq eu 《Fwen Ciephek Byaraiz》.



Yungzanh Ciet Mak-gaemjgaet Haimuq

融安金桔节开幕

12 nyied 18 hauh, Liujcough gaiq daihroek Yungzanh ciet makgaemjgaet haimuq. Yungzanh Yen dwg guek raeuz dieg ndaemganq makgaemjgaet ceiq lai ndeu, dajndaem mienhcik miz 11.5 fanh moux, bi gai makgaemjgaet ca mbouj geijlai 9.5 fanh dun. Gaiq ciet makgaemjgaet neix yinx ndaej daengx guek gak dieg boux guhseng’ eiq makgaemjgaet daeuj camgya, laebdaeb banh daengz 21 hauh. Ndaw doz dwg hekyouz cimz makgaemjgaet.

(Vangz Swhcang/王滋创)

Fangzcwngzgangj Si Fulenz Bae Denjdwngh Siuj-yoz Haiguh Gyauryuz Gvansim Camnai Hozdung

防城港市妇联深入点灯小学开展教育关爱慰问活动



▲ Soengq doxgaiq yienhciengz.



12 nyied 17 hauh banhaet, Fangzcwngzgangj Si Fulenz bae Fangzcwngz Gih Fuzlungz Yang Denjdwngh Siujyoz haiguh gyauryuz gvansim camnai hozdung.

Hozdung dangngoenz, Si Fulenz soengq binghbanghgiuzdaiz, lanzgiuz, yijmauzgiuz daengj hagsib caeuq diyz doxgaiq hawj gyoengq lwnyez Denjdwngh Siujyoz. Doengzseiz, vih gya’ gvangq lwnyez diegbya cihsizmienh, hawj gyoengq lwnyez lai roxyiuj, Si Fulenz lienzhah Si Mehmbwk Lwnyez Hozdung Cungsim, doengzcaez cujeiz gyoengq lauxsae giemnyaemh bae hawj gyoengq lwnyez Denjdwngh Siujyoz hwnj dangzgoq diuqfoux, singyoz, daizgenzdau daengj dem, gyoengq lwnyez diegbya baez daih’ it gamjsouh daengz gij yinxdaeuz yisuz, gikfat gyoengq lwnyez doiq hagsib yisuz mizyinx caeuq siengjmuengh.

(Vangz Veigenh/黄慧娟)

▲ Lauxsae son lwnyez daizgenzdau.

► Dah neix foux ndaej caen ndeiyawj.

Yungzsuij: Daizheiq Bouxguhnaz Hawj Bouxguhnaz “Foux”

融水：农民的舞台农民“舞”

12 nyied 17 hauh banhaemh, Yungzsuij Myauzcuz Swciyen banh gaiq daihgouj “cingz lienzy Bya’ myauz” lajmbanj vwnzyi diuhyienj vanjvei, daengx yienh 19 aen yanghcin daiqbuijdoih Myauz, Yauz, Cuengh daengj minzcuz gungh 24 aen cezmuuz guh doxdax, vih bouxyawj yienj daiz heiq bouxguhnaz gofoux ndeiyawj he.

Ciuq cam rox, Yungzsuij “cingz lienzy Bya’ myauz” lajmbanj vwnzyi diuhyienj bi 2002 hainduj banh, cujyau

daezhawj lajmbanj seizhoengq doihvwnzyi aen daizheiq baijyienj bonjfaenh he, binaengz caebcomz youq yienhsingz guh baez doxdax he, senhconz guekgya mizgven fuengcim, cwngcwz, daezsang vunzlai vwnzva suciz. Seizneix, Yungzsuij gungh miz 152 aen bouxguhnaz seizhoengq doihvwnzyi, seizhoengq yenjyenz miz ca mbouj geijlai fanh vunz.

(Liu Swjyenh/廖子渊)

